

Broj: 03-02-362/2025  
Sarajevo, 21.02.2025. godine

**PARLAMENT FEDERACIJE  
BOSNE I HERCEGOVINE**

- Predstavnički dom -  
gosp. Dragan Mioković, predsjedavajući ✓
- Dom naroda -  
gosp. Tomislav Martinović, predsjedavajući

Bosna i Hercegovina  
Federacija Bosne i Hercegovine  
**PARLAMENT FEDERACIJE BOSNE I HERCEGOVINE**  
SARAJEVO

Primijeno:	24-02-2025		
Org. jed.	BICJ	Priloga	Vrijednost
01,02	-02-	568	/25

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa čl. 191. i 192. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) i čl. 186. i 187. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), radi razmatranja i usvajanja po hitnom postupku, dostavljam Vam **PRIJEDLOG ZAKONA O IZMJENI ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA**, koji je utvrdila Vlada Federacije Bosne i Hercegovine na 177. hitnoj sjednici, održanoj 21.02.2025. godine.

Prijedlog zakona se dostavlja na službenim jezicima i pismima Federacije Bosne i Hercegovine, u printanoj i elektronskoj formi (CD).

S poštovanjem,



Prilog:

- Prijedlog zakona na bosanskom jeziku (CD),
- Obrazac IFP-NE i
- Zakon o naplati i djelimičnom otpisu dugovanja sportskim kolektivima („Službene novine Federacije BiH“, br. 37/14, 12/17 i 79/20)

**Co: Federalno ministarstvo kulture i sporta**  
gđa. Sanja Vlasisavljević, ministar

**BOSNA I HERCEGOVINA  
FEDERACIJE BOSNE I HERCEGOVINE  
VLADA**

**PRIJEDLOG**

**ZAKON  
O IZMJENI ZAKONA O NAPLATI I DJELIMIČNOM OTPISU DUGOVANJA  
SPORTSKIM KOLEKTIVIMA**

**Sarajevo, februar 2025. godine**

## **OBRAZLOŽENJE PRIJEDLOGA ZA DONOŠENJE ZAKONA PO HITNOM POSTUPKU**

Poslovníkom Predstavničkog doma („Službene novine Federacije BiH“, br. 69/07, 2/08, 26/20 i 13/24) i Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), propisano je da kada nije u pitanju složen i obiman zakon, podnositelj prijedloga zakona može umjesto nacрта podnijeti prijedlog zakona i predložiti da se prijedlog zakona donese po hitnom postupku.

U vezi sa navedenim, opravdanost za donošenje Zakona o izmjeni zakona o naplati i djelimičnom otpisu dugovanja sportskim kolektivima, ogleda se u činjenici da su u izuzetno teškoj situaciji klubovi i savezi koji imaju kapaciteta da se takmiče na evropskim takmičenjima, a to je uslovljeno postupcima licenciranja gdje je finansijski kriterij imperativno postavljen. Navedeni uslovi su definisani pravilima UEFA, FIFE, FIBE, kao i od ostalih međunarodnih asocijacija koje organizuju i daju licence za evropska natjecanja.

Zbog naprijed navedenog pokrenuta je inicijativa od strane sportskih kolektiva da se omogući djelimični otpis poreznih dugova koji bi istovremeno vodio i naplati sredstava po osnovu dugovanja poreza sportskih kolektiva, za što smatramo da ima interes i država, jer u ovoj situaciji postoji status potpunog neplaćanja poreskih dugovanja zbog nemogućnosti izmirenja obaveza koje su izuzetno velike.

Zbog svega navedenog smatramo da je nužno da se izmjena Zakona uputi u hitnu proceduru, kako bi sportski kolektivi i klubovi mogli zaključiti sporazum o izmirenju duga i na taj način dobiti licencu za nastupe na evropskim takmičenjima.

**ZAKON**  
**O IZMJENI ZAKONA O NAPLATI I DJELIMIČNOM OTPISU DUGOVANJA**  
**SPORTSKIM KOLEKTIVIMA**

**Član 1.**

U Zakonu o naplati i djelimičnom otpisu dugovanja sportskim kolektivima („Službene novine Federacije BiH“, br. 37/14, 12/17 i 79/20) u članu 1. riječi: „nastalog do 1.11.2020. godine“, zamjenjuje se riječima: „nastalog do 31.03.2025. godine“.

**Član 2.**

Ovaj Zakon stupa na snagu narednog dana od dana objavljivanja u „Službenim novinama Federacije BiH“.

## OBRAZLOŽENJE

### PRIJEDLOGA ZAKONA O IZMJENI ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA

#### I – Ustavni osnov

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlašćenja predviđena Ustavom, odgovoran je za donošenje zakona o vršenju dužnosti federalne vlasti.

#### II - Razlozi za donošenje

Na inicijativu Vlade Federacije Bosne i Hercegovine i Federalnog ministarstva kulture i sporta Parlament Federacije Bosne i Hercegovine donio je Zakon o naplati i djelimičnom otpisu dugovanja sportskim kolektivima 2014. godine („Službene novine Federacije BiH“, broj: 37/14). Nakon toga u dva navrata došlo je do izmjena u članu 1. Zakona o naplati i djelimičnom otpisu dugovanja sportskim kolektivima, kojim se omogućilo produženje roka za podnošenje zahtjeva za reprogram duga („Službene novine Federacije BiH“, br. 37/14, 12/17 i 79/20). Zahvaljujući navedenim izmjenama, sportskim kolektivima je omogućeno dobijanje potvrde od strane Porezne uprave Federacije BiH da je potpisan reprogram duga što je uslov za ispunjavanje uvjeta licenciranja.

Posebno je važno naglasiti da su u izuzetno teškoj situaciji klubovi i savezi koji imaju kapaciteta da se takmiče na evropskim takmičenjima, a to je uslovljeno postupcima licenciranja gdje je finansijski kriterij imperativno postavljen. Navedeni uslovi su definisani pravilima UEFA, FIFE, FIBE, kao i od ostalih međunarodnih asocijacija koje organizuju i daju licence za evropska takmičenja.

Zbog naprijed navedenog, pokrenuta je inicijativa od strane sportskih kolektiva da se omogući djelimični otpis poreznih dugova koji bi istovremeno vodio i naplati sredstava po osnovu dugovanja poreza sportskih kolektiva, za što smatramo da ima interes i država, jer u ovoj situaciji postoji status potpunog neplaćanja poreskih dugovanja zbog nemogućnosti izmirenja obaveza koje su izuzetno velike.

Usvajanje izmjene ovog zakona omogućilo bi egzistenciju i nastavak rada sportskim kolektivima i klubovima, te dobijanje licenci, u cilju učešća na međunarodnim takmičenjima i predstavljanje Bosne i Hercegovine u međunarodnim asocijacijama.

#### III - Finansijska sredstva

Za provođenje ovog zakona nije potrebno osigurati dodatna finansijska sredstva u Budžetu Federacije Bosne i Hercegovine.

## OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa						
	KOD	NAZIV				
Razdjel	5201	Federalno ministarstvo kulture i sporta				
B 2. Osnovni podaci o prijedlogu propisa						
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ZAKON O IZMJENI ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA					
C 3. Izjava o nepostojanju fiskalnih efekata predloženog propisa						
Izjavljujemo da usvajanje ovog Zakona neće izazvati dodatne troškove u okviru odobrenog Budžeta Federacije Bosne i Hercegovine za 2025. godinu.						
D 4. Pečat i potpis odgovornog lica					Mjesto i datum	, 20-02-2025